

欽定剿平三省邪匪方略

西向仍折而東走

臣

於初九日趕抵火鑪壩按

據穆克登布豐紳等稟報情形憤恨之至當卽

飭令穆克登布等確探賊蹤顧住東北緊跟追

剿

臣

卽顧住東面向西隨探前進每日行程總

在一百數十里以外所遇荒山密林冰雪積滑

之處又不一而足沿途搜獲賊匪六十餘人訊

知該逆等晝夜奔逃見其狼狽情形俱已正法

初十十一等日

臣

與穆克登布等兩路官兵先

後過五郎地方據報該匪於老林逸出甘家壩

一帶適遊擊綽克圖通判維昂搜捕伍懷志小

股賊匪在彼割營該匪探有官兵旁遁桃園子

竄往柴家關穆克登布已由甘家壩四畝地顧

住柴家關老林之路追去

臣

帶兵出五郎展龍

壩大河壩一帶緊截南面之路而賊匪又由東

嶽殿北入柴家關聞官兵已到連夜西竄大小
藥壩再疊據探報冉學勝股匪未踵樊逆等賊
蹤竄川該匪經楊遇春等節次剿潰由二郎壩
都督河厚畛子板房子王家河棄其馬驟向北
逃入南山該處冰凌陡滑難以窮追且我兵亦
不值跟入老林受其牽綴楊遇春現已取道女
兒壩東嶽殿截剿茲臣於十四日抵花園壩接

據楊遇春格布舍呈報楊遇春等近於西沙河
獅子壩一帶截剿冉逆股匪於十二日午間途
次高莊溝探有一股賊匪竄向藥壩間係高馬
之賊該逆祇知後有官兵決不料又有官兵從
旁抄至當出其不意連夜進擊楊遇春格布舍
等是晚帶兵趕至金家坪畧爲憩息二更時卽
率同總兵張鳳及侍衛將備等各帶兵勇進剿

天甫黎明兵抵麻花溝見賊匪有散處房屋者
有露處樹林內者我兵猝至屋內之賊尙在熟
睡多被擒殺露處之賊驚起四竄官兵乘勝追
殺二十餘里至大小藥壩賊匪大隊尙敢號召
抵拒節經我軍衝突賊又分爲數股漫山遍嶺
而奔楊遇春格布舍張鳳等各帶官兵亦分作
數路追越數重大山統計前後殺賊三百餘名

生擒三百二十三各奪獲旗幟刀矛三百餘件
馬騾二百餘匹頭於獲犯中訊出方世傑一人
據供是湖北老教在賊營充當元帥高三馬五
王廷詔等因過江後於漢陰紫陽地界連被官
兵剿殺折傷逃散甚多不能存身商量要往甘
肅等語業將該犯凌遲處死並訊明從逆日久
之甘大木等一百六十三名均行正法其餘一

百八十六名口被脅未久俱給與銀米路票釋放據探是日賊蹤由大古坪向西南奔竄楊遇春等現由茅坪一帶抄截

臣

查楊遇春原係追

剿冉學勝股匪適遇高馬賊匪竄至藥壩乘夜從旁進兵猝行掩擊斬獲多人事機亦尙順利

臣

前因樊人傑等股由廣元入川且聞冉學勝

亦欲跟蹤而走川省兵力較單嘉陵江岸更關

緊要會奏令楊遇春格布舍帶兵入川茲楊遇
春等所剿冉逆已入南山現在剿辦高馬賊匪
喫緊之際自宜悉力截剿不必意存拘泥轉舍
近而圖遠并近據川省稟報樊人傑等逆已竄
蒼溪南江一帶離嘉陵江岸稍遠一時尙可不
致散漫臣現又知會楊遇春等竟當乘勝專剿
高三馬五王廷詔賊匪兼之長麟昨帶兵由城

回洋縣前來

臣

於兩河與之會晤長麟當從茅

坪華陽一帶進發期與楊遇春等合力剿辦計

日內正可會合

臣

復札致長麟卽與楊遇春上

緊追擊萬一該匪潰竄或由棧道入甘長麟楊

遇春帶兵卽入甘剿辦倘轉而入蜀長麟不能

遠去楊遇春格布舍仍卽追剿入川穆克登布

豐紳連日亦由大古坪九尺壩而進係緊躡高

馬賊蹤

臣

已飭令趕緊追剿倘能與楊遇春等

夾擊辦完實爲甚善如賊已竄出江口穆克登

布不必深追卽帶兵剿辦冉學勝伍懷志等股

至冉伍等股賊匪現分屯南山老林盤旋奔折

諒亦不能久於潛匿我軍若急入險阻不惟不

能痛剿且徒疲兵力

臣

當隨時設法辦理總須

將該匪轟出南山卽不難於得手再

臣

接據總

楞泰來信知洧陽過江賊匪爲青黃等號係楚
省被剿竄出現奔鎮安以東秋糧川米糧川一
帶德楞泰勢必顧住東面向西趕剿臣正在西

面更可隨時偵探與之夾擊若辦竣此股德楞
泰卽可就近赴漢南川陝交界相機另辦他股
又據額勒亨額報稱高馬賊匪由漢陰北竄後
蒿坪河附近尙有潛匿零匪該副都統帶兵搜

捕共獲賊一百餘人該處一帶業已廓清現在

漢南龍苟等逆經喜明溫承惠等追剿均向南

紛竄

臣

復慮江岸兵單昨又添派總兵汪啟帶

領官兵六百餘名赴額勒亨額處協同防守就

目下情形而論賊勢大半零落

臣

注意先清陝

楚以絕其去豫之念其次在川則重在嘉陵江

岸在甘則重在階文一帶可通龍安之路長麟

已札飭甘省文武派兵預爲布置防堵如各處
團寨以次成就賊匪無從擄掠就所有之官兵
盡力緊剿蕝事必速此次打仗兵勇間有數名
陣亡者容俟另行咨部辦理奏入

上命軍機大臣傳諭額勒登保德楞泰曰高三馬五
王廷詔等逆經官兵連次逼剿竄至藥壩適楊遇
春格布舍等截剿冉逆股匪於途次探知高馬等

逆奔竄情形卽乘夜從旁進兵猝行掩擊殺賊三百餘名生擒三百二十餘名所辦甚好現在高馬等逆由大古坪向西南奔竄額勒登保已知會楊遇春等令其乘勝專心剿辦此股竄匪而長麟與經畧會晤後亦從茅坪華陽一帶進發與楊遇春等合力剿辦兩路兵力自己早經會合諒此股敗殘餘匪無難乘勢殲除萬一該匪潰竄或由棧道

入甘長麟楊遇春自當一同帶兵入甘追剿倘轉
而入蜀長麟係陝甘總督自不應越境遠追當令
楊遇春格布舍緊躡入川奮力截擊以期一鼓撲
滅至楊遇春等原剿之冉學勝股匪現與伍懷志
分竄南山老林此股賊匪入山屯聚盤旋奔折亟
須搜捕額勒登保不可意存輕視現已飭令穆克
登布等帶兵剿辦但官兵不應深入險阻徒致疲

乏惟當設法轟出以便乘勢截殺殲除淨盡不可
任其久匿致被牽綴額勒登保一俟高馬等逆剿
辦完竣及南山截匿餘匪搜捕淨盡江北肅清後
卽當移駐漢南將龍苟等逆一律殲除再赴四川
督率剿辦以期迅速賊事至德楞泰自上年由甘
赴川將竄渡嘉陵江賊匪痛加剿殺生擒首逆陳
得俸等肅清川西嗣後又屢次得勝兵威甚著前

因川省股匪俱竄入陝境而川省賊股較少是以諭令赴陝協剿德楞泰入陝後趕赴山陽將高二賊股奮力截擊殲斃偽元帥閻慎珍及傳教首逆龔如一殺賊甚多其高二股剿敗餘匪不過七八百人德楞泰已帶兵躡蹤追剿自無難剋日殲除現在陝省股匪多有竄入川境川省較爲著重而德楞泰軍威壯盛川省官民深望其赴川督剿

卽勒保本日奏到之摺亦望伊速至德楞泰俟高
二一股剿淨後應卽赴川剿除各股賊匪但亦不
可因川賊較多將敗殘之高二一股輒行捨去總
俟剿淨此股再行赴川雖德楞泰往來奔走備嘗
勞瘁但能迅速應功朕必優加懋賞格外酬庸額
勒登保德楞泰二人惟當不分畛域同心併力倍
加奮勉平賊安民以副委任

同日勒保奏言竊臣昨因樊人傑等股匪衆由

寧羌竄入廣元逼近嘉陵江上游因七十五已

赴南江剿賊恐一時不能轉回必須先其所急

臣卽由開縣帶兵趕赴川北迎剿茲於十三日

行抵渠縣之高寺寨接據總兵張志林川北道

李鉉稟報黃白號樊人傑徐萬富王國賢等約

有三四千人已由轉斗鋪翻山越過朝天鎮至

一碗水分爲二股一由九華巖一由大石板竄
出逼近廣元縣城該道李鉉與副將永寧在城
防守該鎮張志林與知府德福等赴河西堵禦
初五日三更有賊匪探馬兩股一至縣城東北
隅殺人放火一至河東姚家灘欲圖搶渡該鎮
道等均督率兵勇施放鎗礮壘石奮力轟擊賊
見有備於初六日黎明仍向大石板退去江岸

得保無虞查看打死賊屍城外遺有六軀江邊
遺有九軀並拏獲活賊鄒世松范從道二名訊
無要供當卽正法惟續據探報後有藍號冉添
士王士虎等一股於初五日亦從五丁關竄來
現又派兵至上游朝天鎮等處截堵並據蒼溪
縣稟報樊徐等逆賊匪已由廣元屬旺蒼壩至
蒼廣交界之喻家嘴一帶各等情查蒼溪亦係

臨江

臣

一路官兵急切不能趕到實在萬分焦

急現又飛飭該處防江文武實力堵禦

臣

卽督

兵星夜兼程前進以期早到保寧顧住江岸卽

可分兵痛剿至李炳陳朝觀張士龍辛聰阮正

潮顏勝可魏棒棒等各逆前由南廣老林竄入

寧羌嗣因德楞泰遵

旨赴陝恐賊匪折回卽調七十五由廣元赴南江剿

辦先接該提督來信知陳朝觀辛聰等已分股
由通江竄出西鄉簡池壩一帶惟張世龍等尙
在通境當卽偵探追剿初四日師次黃龍背探
得該匪等已竄水磨河旋據報有賊匪分股七
八百人現圍三臺山峒甚急卽督兵馳往剿散
山峒得保無虞追至水磨壩斬獲四十餘名餘
向兩河口歸入大夥我兵分投抄擊初六日黎

明至後河嶺正值賊匪起營七十五督催大隊
競進賊分兩股各有千餘人一奔左手大山梁
一走福和溝向南山梁奔竄七十五與頭等侍
衛武隆阿分帶將備兵勇兩路追殺斃賊五百
餘名滾巖落澗者甚多賊至錢家山兩股又併
爲一路恃險拒敵我兵乘勝搶殺於鐵溪河椒
園子冉家壩等處又殺賊三百餘名生擒者甚

衆餘賊棄馬擲械向樹林巖澗奔逃初七日據
各營呈交擒獲活賊趙維珍張汪氏等五百三
十一名口耳記四百三十四副搶獲騾馬三百
餘頭匹賊旗三十八桿刀矛無數訊據活賊李
嘉亮等供稱此股係張世龍爲首共有二千餘
人原要往竹峪關與辛聰陳朝觀等合夥不想
被官兵趕上搶過大山張元帥卽被殺死還有

趙二掌櫃李總兵已被拏住隨於各賊內指認
果有趙李二賊一名趙建功一名李大維又令
各犯并趙建功等認獲張世龍首級衆口同聲
僉稱屬實七十五已將該逆首級及賊目趙建
功等四名委員解至臣軍營俟解到審訊明確
再行查明殲斃該逆之弁兵據實奏

聞至拏獲活賊已經七十五訊明將被脅未久之二

百四十六名口發卒通江縣省釋其餘從賊日久曾經殺人者俱各正法七十五因附近兩河口之鳥山地方尙有賊匪現已前往剿辦至陳朝觀辛聰等股現有二三千人先由西鄉簡池壩竄去探知德楞泰正到西鄉卽由鹽場竹峪關等處竄至太平官灣初四日陳朝觀一股先到經叅將李廷臣都司耿貴和等帶領兵勇六

百名至鷹嘴寨堵截斃賊三十餘名生擒鞠文
貴等二名初五日賊至觀音峽焚掠該叅將等
旋即迎擊又斃賊二十餘名投出何占川等十
三名詎辛聰魏棒棒等大殺踵至賊衆兵單李
廷臣奮力抵敵右脚受矛傷左腿受石傷守備
崔洪元左腿受石傷千總王世昌胸帶石傷都
司耿貴和把總康調元外委高欽選童鈞同時

陣亡兵勇亦有傷亡容俟查明咨部此股賊匪
現向白沙河奔竄有闌入東鄉開縣之勢

臣

查

七十五一路官兵自去年八月以後未能多得

勝仗

臣

與德楞泰叠次諄札囑其奮勉剿賊茲

自廣元移至通江得以大獲勝仗將首逆張世

龍臨陣殲斃并擒獲賊目二名是新年以來事

勢頗爲順利惟陳朝觀辛聰等股竄入太平境

內官兵小有失利而總兵託雲泰尙在老林剿

賊恐難兼顧臣已知會七十五如因廣元有焚

人傑等竄入業已轉回只可就近與臣兩面夾

擊肅清川北再赴川東設爲另股賊匪牽綴尙

在通江境內剿辦一俟辦竣卽就近赴太平追

剿陳辛等逆此時陝境之賊既大半竄入川疆

想德楞泰聞信亦必遵

自來川兼顧萬一在陝不能分身臣亦惟有與七十

五儘此兵力一面顧住嘉陵江一面分投兜剿

斷不致與賊以暇任其蔓延奏入

上命軍機大臣傳諭勒保曰此次張世龍等在通江
境內分股滋擾經七十五與頭等待衛武隆阿分
帶將弁在三臺山後河嶺及鐵溪河等處連日剿
殺斃賊八百餘名擒獲五百餘名搶獲騾馬器械

無數並將首逆張世龍臨陣殲斃生擒掌櫃趙建
功僞總兵李大維等事機極爲順利七十五武隆
阿均著交部議敘所有在事出力員弁並著勒保
查明咨部議敘以示鼓勵樊人傑徐萬富王國賢
等在廣元境內分股肆擾並至河東姚家灘地方
欲渡嘉陵江經該鎮等奮力擊退得保無虞勒保
現以藍號冉添士王士虎等逆又竄至蒼溪等處

一面飛飭防江文武實力堵禦一面星夜前赴保寧以期顧住嘉陵江分投剿辦所辦皆是現在陝境之賊大半竄入川疆正可聚而殲洗約計勒保此時業已前抵保寧江防自己嚴密昨德楞泰奏到在陝省山陽等處將高二一股大加剿殺得有勝仗已諭令德楞泰一俟剿淨此股卽速赴川省督剿本日又據經畧額勒登保奏將高馬等逆由

鎮安五郎洋縣一帶痛加剿殺若乘此兵威勝勢
將陝省各股賊匪以次殲淨則額勒登保亦必前
赴川省諒此分竄之賊自不難一鼓撲滅但勒保
不可專待伊二人來川會剿務須就現有兵力上
緊剿辦如能先行辦竣卽勒保等之大功尤應顧
住嘉陵江不可使一名竄渡庶大兵會剿易于得
手且免賊勢散漫現在緊要機宜以防守嘉陵江

爲最去年一誤今年豈容再誤耶勒保惟當與七
十五督率防江各鎮道小心防範慎之又慎此爲
最要又據奏陳剿觀辛聰等逆竄入太平境內官
兵小有失利已知會七十五將通江境內之賊辦
畢後卽追剿陳辛等逆或先轉回將樊人傑等兩
面夾擊肅清川北再赴川東等語惟在勒保與七
十五酌量機宜妥爲辦理朕亦不爲遙制總之防

守嘉陵江最爲目前急務所有殺賊陣亡之都司耿貴和把總康調元外委高欽選童鈞俱著咨部賜卹其受傷之叅將李廷臣守備崔洪元千總王世昌曾否痊愈並著遇便覆奏

同日長麟奏言竊

臣

於正月初三日將樊人傑

一股賊匪分兵剽戮通過川境後於初五日自寧羌州撤兵初八日趕抵褒城先期差探棧道

留壩江口以及甘省邊界等處均無賊匪臣自

不便紆道入棧徒勞兵力當卽一面飛差趕入

南山偵探賊蹤並楊遇春軍行趨向一面於初

九日自褒城起身兼程由洋縣入山相機剿辦

途次接准楊遇春來信內稱冉學勝一股賊匪

現在厚畛子一帶老林內藏匿楊遇春由二郿

壩進兵逼剿恐該匪見西面有兵復折向四畝

地東竄囑

臣

迅速趕赴五郎堵截並可相機夾

攻以期痛加殄戮等因

臣

接信後卽於十二日

趕至兩河口已距五郎不遠探聞高馬等股賊

匪被額勒登保在漢陰境內痛剿三晝夜擒斬

千餘人該匪捨命向西狂竄復經額勒登保緊

躡賊蹤該匪萬分窮蹙由五郎竄至四畝地一

帶其冉學勝及伍懷志兩股賊匪亦竄赴四畝

地左近老林內藏匿額勒登保督兵由五郎一帶追剿前來亦於十二日經過兩河口

臣

當與

會晤籌商據額勒登保告稱已派穆克登布等由五郎趕赴四畝地等處截剿恐南面空虛囑

臣

迅速帶兵由南面趕赴華陽一帶與楊遇春

格布舍會同剿辦十四日

臣

趕至茅坪探知楊

遇春等先於十二日在高莊溝地方探聞高馬

等逆由東面竄來已至洋縣屬之藥壩屯紮距
楊遇春等營盤僅五十餘里楊遇春等卽於是
夜二更時發兵出其不意直前拚殺自麻家溝
至大小藥壩等處追殺三十餘里殺賊三百餘
人殲斃大小頭目十一名生擒三百二十三名
內有僞元帥方世傑一名搶獲騾馬鎗矛旗幟
甚多該匪亡命向野猪壩二郎一帶逃竄已

距棧道不遠楊遇春亦由茅坪一帶追剿前進

臣

卽與會晤正在合兵進剿間適接額勒登保

來信內稱高馬等逆又經楊遇春此番痛剿勢

更窮蹙囑令

臣

與楊遇春會商以一路官兵緊

躡追剿一路官兵繞路抄截合力趕辦並稱能

將該匪就近殲除固屬甚善萬一該匪逸入甘

境

臣

卽與楊遇春追往甘省剿辦倘將該匪逼

入川省卽令楊遇春追剿入川等因

臣

現與楊

遇春詳加商酌遵照辦理務期竭盡心力迅將
此股巨惡殄滅至額勒登保因冉學勝及伍懷
志股匪仍在五郎四畝地一帶老林藏匿並聞
洵陽過江之高二等逆經德楞泰自東面兜截
已向西安奔竄亦與五郎四畝地及石泉洋縣
一帶相近額勒登保一面督率穆克登布趕緊

搜剿冉伍等股賊匪一面相機爲德楞泰策應
其漢江以南紫陽境內龍紹周苟文明等股賊
匪及漢南一帶邊界防堵情形因_臣連日甫經

入山移營無定行走迅速並未接各該處稟報

再此次楊遇春截剿高馬等逆之處已經額勒

登保具奏_臣甫與楊遇春等合營此後得有勝

仗另行會奏再_臣前奉剿撫兼施

諭旨卽經會同撫臣陸有仁刊刷詳切告示令鄉勇人等持赴深山老林賊匪出沒之地用木板粘貼到處懸掛並製大旗數面上書欽奉

諭旨凡有教匪無論首從一概投出免死字樣豎立營前及左右兩翼每逢移營行走卽將此旗分列隊前嗣據逃出難民供稱近來各股賊匪內有曾見告示者亦有賊探回營傳說者從賊之

人知有生路可尋黨與漸形解散惟著名首逆
自知法所難宥心懷忌懼不敢投誠且恐人心
搖動以致解散每見告示卽行扯毀不令衆人
得見並用言恐嚇衆人一經投出必不能保全
性命是以賊夥內雖有逃散者亦尙有遲疑觀
望者各等語

臣

等惟有仰體

皇上如天好生之仁一面竭力剿辦再行明白曉諭

以冀該匪等悔罪投誠不致全遭誅戮仰副

聖主並育並生之至意奏入

上命軍機大臣傳諭長麟曰長麟奏楊遇春截剿高
馬等逆生擒僞元帥方世傑並會合籌辦緣由現
據額勒登保同日奏到情形相符高馬等逆經楊
遇春等此番痛剿之後所剩不過七八百人勢更
窮蹙此時長麟已與楊遇春等會合一路並面爲

商定以一路官兵緊躡追剿一路官兵繞道抄截
務須倍加奮勉併力一心將高馬潰竄股匪乘勢
殲除萬一該逆又逸入甘境長麟卽應與楊迥春
等躡蹤追剿倘逼入川省長麟係陝甘總督自未
便越境遠追應令楊迥春帶兵入川追剿長麟卽
在陝幫剿漢南各股賊匪並將南山藏匿之冉學
勝伍懷志賊匪迅速剿盡勿留餘孽又據奏宜示

諭旨刊發告示後賊匪首逆心懷疑懼每見告示
卽先行扯毀等語實爲可恨前因各股賊匪人數
尙多若聚而殲戮實有不忍是以降旨通行曉諭
除徐添德王廷詔高二馬五高三罪在不赦此外
有能悔罪投誠者不妨貸其一死該督遵照節降
諭旨分別辦理總須奮力剿殺俾賊勢日蹙再將
投出者次第安撫方可尅期竣事也

二十四日

辛丑

吳熊光奏言竊

臣

前據探報高馬

二逆由漢南之五塊石竄過江北向漢陰之燕

坪一帶奔趨經畧額勒登保由雙乳鋪截剿其

時該匪尙在大兵之西又探得一股不知姓名

數百人在陝省洵陽之大棕溪偷渡漢江北岸

由鎮安一路竄至山陽商州連日總在該處遊

奕想因人少未敢東竄隨多派弁兵分往偵探

續接叅贊德楞泰咨稱此股賊數約數千人並
據探報漢陰之賊亦已歸併此股之內又探得
賊匪於十三日由山陽之甘溝往磨溝奔竄經
德楞泰分兵兩路截剿大獲勝仗斬馘及生擒
甚多餘匪翻梁折回西竄至今水溝一帶四散
奔逃德楞泰仍探蹤追剿等語臣查餘匪旣已
西奔又經官兵躡剿似不至復行東趨但山商

等處路徑叢雜剿散之賊難保其不乘間鋌走

臣

仍諄囑鎮

臣

常林田永祠並督率將弁兵丁

於盧浙各卡隘晝夜嚴密巡防斷不敢以敗匪

西竄遽存大意至湖北賊匪現據探報一股已

由房縣之上龕南竄似有回川之勢又有一股

餘匪前已出境現復在竹谿邊界游奕楚省業

經派兵前往截剿等語查楚省賊蹤雖距江岸

尙遠然江水當淺涸之時仍宜加意戒備

臣並

札飭臬司完顏岱南汝光道陳鍾琛等探蹤嚴

防不得稍有疎懈再

臣

接據湖廣督臣書麟湖

北巡撫倭什布會咨內開楚北節次調撥山東

江西河南廣東廣西湖南等省官兵前來堵剿

各該兵丁從征日久其中陣傷亡故以及因病

殘廢陸續遣回原營者爲數不少現在核計較

之原調額數不及十之六七甚覺有名無實刻
下川陝賊匪時在邊卡窺伺並屢次闖入楚疆
堵剿需兵所有各省缺額官兵應移咨速飭原
調官兵各營查明數目挑補派委勇幹將弁帶
領赴楚聽候調度等因自應照咨撥補以資堵
剿但查豫省係腹裏省分原設兵額止九千九
百餘名自嘉慶元年楚匪滋事以後分撥楚陝

兩省協剿及本省調赴西路之盧氏浙川等處
邊界南路之襄江一帶駐防大營兵數已屬寥
寥嘉慶四年仰蒙

皇上恩准添募新兵當經

臣

會同兩鎮飭令按照各

營缺額募補留營訓練將陳兵抽調赴邊巡防
是兵數雖已增添而陳兵調赴邊防所添新兵
仍止飭各州縣看守城池派撥塘汛及往來緝

捕等事之用並無多餘至赴楚征兵內如有陣亡病故者所遺兵額原可陸續募補然募補之後亦非朝夕所能訓練嫻熟調出亦不能得力其止於病傷之兵該兵丁曾經出力尙須照例給限調養若遽行開缺另補又非所以示體卹目下豫省邊防緊要與楚省並無二致實有難於再調情形况派兵赴楚必需將弁帶領豫省

額設武職本屬無多經景安帶赴湖北王文雄
帶赴陝省共計遊擊都守等官六十餘員卽如
陝省現存豫兵不滿三百名而官員在彼者尙
不下三十員臣因陝省剿賊正關緊要未敢昌
昧奏請撤回此外各員弁亦多調赴本省西南
兩路帶兵防守遇有訓練新兵及署理篆務等
事乏員差委俱係權宜辦理並經臣奏蒙

聖鑒是不特兵難抽撥管帶亦實乏人伏思楚省咨
調補額兵丁尙有山東江西廣東廣西湖南等
五省非如豫省之有防堵可比均可如數派撥
似不專候河南一省補額之兵相應奏明從緩
撥補再查景安從前帶往豫省兵丁二千八百
餘名_臣上年在南陽時詢之楚省遣回官兵等
據稱現存楚省者已不過一千餘名因思楚省

節次咨會豫省傷亡及遣回各兵並無一千數
百名之多若非查核明確卽楚豫兩省俱有兵
之名無兵之實並恐糧臺及營員等有從中虛
開鹽糧冒領月餉情弊當經移飭南北兩鎮及
臣標中軍嚴查辦理並將赴楚兵丁實存若干
於上年十月間飛咨倭什布確查迄今未准造
具花名清冊咨覆查新任督臣書麟向來辦事

認真且甫經到楚無所用其迴護理合請

旨勅下書麟將豫省在楚兵丁實存若干及如何支

給鹽糧之處逐一嚴查勿任混冒如有空出之

缺臣即可將豫省新兵挑補以節糜費其豫省

所領月餉臣恐各文武員弁查報難於憑信藩

司先福係屬新任臣已將各兵丁糧餉及陝楚

陣亡兵丁賞卹等項一併札飭該司先行嚴查

再俟書牘查覆到日互相核對如有捏領虛糧
情弊卽當據實奏辦理斷不敢稍存姑息奏

入

上命軍機大臣傳諭昭光曰陝省高二一股在山
陽地方經德楞泰追剿大勝其高三馬五在安康
五塊石渡江後亦經領勒登保督剿至洋縣五郎
一帶大獲勝仗兩股賊匪現均逼向西南經畧叅

贊各顧住東北兜剿前進去豫省邊境漸遠但賊勢尙在散漫蹤跡無定難保無折竄情事而山商等處路徑叢雜吳熊光惟當督飭常林田永桐等於盧浙各卡隘加意嚴防不可稍涉大意卽楚省徐添德一股昨亦據書麟等奏到在竹山房縣等處官兵得有勝仗不令竄回川省該處距江岸已遠然江水正當淺涸之時仍當飭令完顏岱等加

意嚴防毋得疎懈爲要又據奏湖北缺額兵丁暫
緩撥補一節此事前據書麟等奏到朕卽以此項
缺額兵丁若在調派之原省撥補不但各該省離
楚較遠緩不濟急且訓練嫻熟亦非朝夕所能莫
若卽在楚省添募練勇勤加操演不致往返稽時
可收實效今吳熊光所奏適與朕前旨相符況豫
省現有邊防事宜關係緊要不獨兵力難以再撥

卽將弁等亦不致用吳熊光卽一面知照書麟並
將豫省在楚兵丁實數咨查核對可也

欽定剿平三省邪匪方略正編卷二百三十三

辛酉年

正月二十五口

江

陸有仁奏言竊

臣

連日復據

探報高三馬五賊匪竄至四畝地藥壩地方經

提督楊遇春帶兵剿殺大獲勝仗賊匪分投奔

竄柴家關華陽一帶楊遇春卽帶兵由茅坪馳

往兜截督臣長麟亦自茅坪前赴華陽一路會

剿經畧額勒登保暫劄洋縣磨石溝扼賊東竄

之路又前月洵陽過江之賊由鎮安暖莊河戴家鋪一帶竄至山陽之色河鋪峒峪口相距縣城不遠該縣謝濟經督率壯勇相機防堵叅贊德楞泰由洵陽之兩河關一帶進剿又洵陽南路另有由平利竄入賊匪一股在白廟子一帶奔竄興安府知府周光裕督飭該縣薩玉衡添派壯勇於沿江一帶嚴密守禦又伍逆小股賊

匪竄至寧陝廳屬之苦栗溝經該處義首陳思
耀率領鄉勇堵截殺斃賊匪十餘人陣亡鄉勇
二名賊卽由終耳山竄至蓋屋屬之厚畛子一
帶又冉賊股匪現亦由寧陝廳屬柴家關竄至
蓋屋王家河臬司王文湧督飭該縣吳煥在峪
口一帶往來防堵又龍紹周苟文明戴四掌櫃
等股賊匪經喜明馬玉魁溫承惠等於平利線

河口徐家壩等處節次剿殺先後共殲賊六七百名奪獲旗幟刀矛馬騾甚多生擒三十二名訊明將真賊正法其被裹難民妥爲分別安插龍苟等逆復竄至紫陽之紅椿壩鞍子溝一帶漸近江岸該縣張占一面督飭各寨義勇堵截一面稟請副都統額勒亨額等帶兵截剿保護江岸以防賊匪偷渡又前竄西鄉仁村一帶賊

匪探係樊逆分股經署都司張俊縣丞李晶帶
領兵勇堵截已由九滋坪一帶竄回川省太平
地方各等情查陝省高馬龍苟冉伍等股賊匪
屢經官兵剿殺勢已十分殘敗惟洵陽過江之
賊匪一股現在竄至山陽叅贊德楞泰兵威壯
盛行走迅速日內自應趕到截殺當不致闖入

楚豫所有各處隘卡戶嚴飭派定司道大員認

真督率地方官堵禦務期處處攔截賊匪以便官兵趕到剿殺更爲得手至漢南各處邊界義勇頗覺齊心復經慶成督飭官兵分布要隘較前更加嚴密並據派赴川省偵探之委員徐塤遠稟報探聞正月初六日提督七十五在通江鐵溪河地方痛剿賊匪殲斃首逆張士龍張士虎生擒首逆趙二掌櫃等語此時川省自己飛

章報提計自開歲以來事機極爲順利必當剋
日蕨功惟當此勝兵分投馳剿之際糧餉更爲
緊要昨接粵西撫臣謝啟昆咨會廣東餉項於
臘月內自粵分起解陝經過廣西湖南湖北河
南等省水陸程途計須三四月間方可趕到現
在正月分軍餉已覺緩不濟急臣惟有竭盡心
力設法辦理以期無誤要需再查陝省漢中興

安兩府屬額貯倉穀三十餘萬石自軍興以來
節次借支兵食撫卹難民業已處處告匱而民
間所種向以稻穀包穀爲重連年地方被賊滋
擾野多曠土民鮮蓋藏兼之昨歲秋旱歉收復
值各處採辦兵糧以致糧價日長昂貴異常現
在漢中名屬大米每市斗一石實需價銀九兩
至十兩不等尙只可於市集零收無成石可買

之處與安府屬糧價亦視此有增無減

臣

密派

員弁改裝赴各路試買俱係實在情形而經畧
叅贊等進剿之官兵鄉勇及分派守江守卡兵
勇數十處加以隨營餘丁並背運軍糧軍火人
夫統計領糧者不下八萬餘人每月約需糧二
萬數千石在進剿兵勇之糧無論道路遠近必
須按日運到翻山越嶺旣不免拋撒之虞卽防

守兵勇亦須計口授食至包穀一項上年收成
歉薄每市斗一石需銀五兩有零現亦搭放兵
食惟是包穀必須用水浸透碾去外皮僅存米
粒其性潮濕難以久貯是以不能常用連月以
來漢屬一帶設法辦糧無處不到仰蒙

皇上撥發江西米十萬石自上年冬間至今已陸續
運到興安六萬石雖因水淺灘多未能接濟漢

中之用而與安各處全賴此米供支現已動用過半其未到之四萬石除楚省截留一萬石外所餘三萬石卽日趕到亦僅敷春季所需此時各路帶兵大員及地方文武各官疊蒙

皇上諄諄訓勉無不倍加奮勵自能痛剿賊衆迅速蕲功原母事鯁鯁過計惟思軍行以糧餉爲先而糧則更重於餉斷不能一日短缺必須寬爲

籌備度凱旋供應及撫卹難民皆可有資倘不
先事綢繆必致臨時掣肘所關實非淺鮮且漢
中興安一帶民人向食大米今大米既缺雜糧
又購買維艱勢已日形拮据所種春麥不及十
之一二卽豐收亦難以資生若俟新穀登場更
屬遙遙莫必亦須預籌調劑以免轉徙流離查
本省西昌鳳各屬尙有存貯之糧現須預備東

路軍需且應留爲去歲災區借糶之用勢不能
撥濟漢南而鄰近各路可通之湖北省現辦軍
需江西省甫經動撥均未便再爲挹注臣再四
籌酌惟湖南向爲產米之區自戡定苗疆已經
數載倉貯稻穀必多合無仰懇

聖恩勅下湖南撫臣於附近水次州縣碾備大米十
五萬石委員由水路分起解送興安既可接濟

兵糧又可流通民食於軍務輿情均大有裨益
至湖南由襄江漢江入陝水程查有東西兩路
若由西路駕運卽可不過洞庭直至湖北之荊
州沙市只須盤一小壩換船運抵襄陽較之自
江西至陝更爲路近而省便如蒙

俞允所有此次動撥米石及沿途運費請卽照上年
江西之例由湖南省作正開銷若到陝時大功

已竣卽可爲賑濟難民及酌借平糶之用尙湖南之糧未至江西之米已完其間必須預籌接續臣尙擬於附近之甘肅山西等省暫爲設法協濟容俟隨時奏陳

聖鑒奏入

上命軍機大臣傳諭陸有仁曰陸有仁奏接據各路探報追剿賊匪情形業據經畧等先後奏報俱已

知悉惟所稱龍苟等股經喜明馬玉魁等在平利
地方節次剿殺殲賊六七百人一節尙未據經畧
奏及想捷音不日可到至所奏辦理善後必須預
籌糧石請於湖南省碾備大米十五萬石分起解
送興安等語已降旨諭令祖之望照數籌備速行
起解並照所奏由西路水程駕運以期迅速到陝
現在各路軍營屢獲勝仗賊勢潰竄日就窮蹙剿

捕正當喫緊之時陸有仁惟當熟籌妥辦源源接濟俾士飽馬騰剋期蒞績又據奏軍營餉項最關緊要所有粵省撥解餉銀計須三四月間方可趕到等語軍營餉項自應預爲籌備前已於部庫及廣儲司各撥銀二十萬兩并將浙省捐監銀二十萬兩令其一併解陝共已撥給餉銀六十萬兩並恐此項銀兩到陝稍遲卽令陸有仁於撥解甘肅

例餉過陝時先行截留四十萬兩而廣東餉銀亦
接續可到毋虞缺乏陸有仁惟當妥爲經理毋誤
要需仍加意撙節不可稍有糜費爲要

上又命軍機大臣傳諭署湖南巡撫祖之望曰陸有
仁奏大功指日告蕝軍糧須寬爲籌備陝省鄰近
水路可通之湖北省現辦軍需江西省甫經撥動
均未便再爲挹注惟湖南爲產米之區懇勅令於

附近水次州縣碾備大米十五萬石委員由水路
分起解送興安以濟兵食等語陝省軍糧亟須接
濟自應速爲籌撥馬慧裕甫經來京陛見抵任尙
需時日著祖之望於湖南倉穀內先行碾動尙不
能敷十五萬之數卽於該省漕糧內截留足數派
委委員迅速運往該省苗疆地方尙有防兵糧儲
亦關係要祖之望惟當酌量情形務期陝省軍需

不至遲誤而湖南積貯仍無缺乏方爲妥善至湖南由襄江漢江入陝水程聞有東西兩路若由西路行走即可不過洞庭湖直至湖北之荊州沙市只須盤一小壩換船運抵襄陽較之自江西至陝更爲近便祖之望卽當飭令委員由西路妥速運往所有沿途運費卽由湖南省作正開銷仍著將如何籌撥及委員起程日期速行覆奏以慰廑注

並一面飛咨陸有仁以便派員接收可也

同日慶成奏言竊

臣欽奉

上諭慶成係專派督率江防之員乃於高姓一股躡

淺過江並無防範著明白迴奏等因伏念

臣現在

西鄉一帶督率防堵賊匪偷渡漢江卽帶兵馳

往截剿查上年十二月十八日高馬二逆一股

由安康五塊石偷渡係在西鄉迤東五百餘里

中隔石泉漢陰紫陽三縣地方又二十九日徐
逆由洵陽大棕溪偷渡尙在安康迤東二百餘
里原議防江時紫陽安康南岸因有楚陝邊界
堵剿之員該處仍令本地鄉勇照常防範至兩
起賊匪偷渡臣接得額勒亨額劉之仁等處探
報之信爲日已遲正值臣帶兵赴西路堵剿相
隔較遠未能趕往又於前次會奏摺內未及聲

敘茲蒙

詎詢申飭實深悚愧至徐添德一股自洵陽過江奔
竄山陽九里坪業經叅贊德楞泰督兵前往剿
截其勢不致蔓延東竄經畧額勒登保督兵於
漢陰紫陽等處將高三馬五等賊接連痛剿後
殘匪西折五郎地方奔逃冉學勝伍懷志等匪
經提臣楊遇春節次剿殺俱在五郎之柴家關

四畝地一帶督臣長麟現帶兵過江由洋縣入
山進剿大兵合集定可併力痛加殲洗其安洵
兩邑地方賊匪偷渡疎防情形額勒登保長麟
就近查明自當據實陳奏至長麟自漢南沔寧
抽帶弁兵入山留總兵觀祥楊奎猷防堵誠恐
臣一人照料難周本擬副都統慶溥前赴漢南
嗣因安康平利剿賊喫緊慶溥一時不能前來

接經畧札知西鄉漢南一帶統歸臣稽查自寧

沔以至西鄉綿亘八九百里地方遼濶道路叢

雜必須擇要分佈各專責成俾免推諉歧誤現

令涼州鎮總兵楊奎猷駐紮鋼廠專管沔寧地

方營卡宜化鎮總兵觀祥駐紮黃關嶺專管南

鄭褒城地方營卡巴里坤鎮總兵永明駐防白

沔峽兼管叅革總兵關騰所遺防江之兵西寧

鎮總兵九十駐紮鍾家溝在西鄉西南一帶堵
剿河州鎮總兵胡定泰駐紮王黑壩在西鄉東
南一帶堵剿彼此聯絡聲勢互相接應統計漢
南西鄉分佈各路營卡防兵共一萬二千餘名
五處路逕險易不同各有總兵一員分管弁兵
一千餘名二千餘名不等臣亦帶兵一千餘名
往來策應何處喫緊卽赴何處協剿但防守營

卡多係新募補額之兵一切未嫻若不督飭習
勞難免日久生懈現今各營卡按日勤加操演
並更番輪流隨同臣往來策應一律訓練精強

迅掃邪氛紫陽一帶原有副都統額勒亨額帶
兵防堵經畧復添派寧夏鎮總兵汪啟前往協
防安康平利一帶又有副都統慶溥南鎮總
兵喜明右翼鎮總兵馬玉魁帶兵防堵雖離西

鄉俱遠該處官兵均係久駐熟悉足資堵剿前
次漢南西鄉各卡截回北竄各股賊匪已由長
麟繕摺會奏本月初九日一股竄匪至西鄉東
路紫溪河探係鮮大川餘孽經該處卡隘嚴堵
未能深入南竄太平地方十一日西鄉西南路
一股賊匪竄至搭巴河一帶探係張世龍分股
該守卡弁兵義勇等據險用滾木擂石擊斃數

賊並擒獲活賊六名解縣審訊軍情移步換形
祇可隨時相機剿辦若殘匪盡數逼歸川境則
堵重於剿漢南西鄉一帶自應分設防兵在在
堵禦今陝境尙未肅清則剿急於堵早滅一股
卽少一路牽綴

臣受

恩深重惟有竭盡心力奮勉圖效此時不拘江之南
北何股匪黨竄近

臣

先卽督兵相機合剿奏入

上命軍機大臣傳諭慶成曰慶成覆奏前次賊匪由
安康五塊石及洵陽大棕溪偷渡漢江因在西路
堵剿相隔較遠未能趕往堵截等語前次兩起賊
匪偷渡漢江慶成雖在西路帶兵堵剿但伊係總
統防守大員豈能辭咎且由洵陽偷渡之賊前據
陸有仁奏到朕卽以此股必係高二嗣經德楞泰
奏報前次渡江之賊因高二匪黨亦有青號在內

是以各處謾報徐添德其出洵陽過江者實係高二果不出朕所料而慶成此次摺內尙稱徐逆由洵陽大棕溪偷渡又高二在洵陽偷渡係二十八日今慶成稱係二十九日陳奏日期亦屬舛誤可見慶成在彼堵剿全不認真查察率據地方稟報卽行人奏種種踈玩慶成著傳旨申飭伊總司防堵兩經貽誤本應卽行治罪姑念相隔較遠伊一

人照料難周此次暫從寬貸嗣後各賊匪於慶成
駐紮相近處所有乘間竄逸者則罪無可辭矣其
五塊石及洵陽專派防堵員弁已令經畧查明叅
奏俟奏到時再行核辦至慶成奏明派令總兵楊
奎猷等分段駐紮堵剿之處原摺現已鈔存將來
設再有防堵不力致被賊匪奔竄之事其專防各
員固應嚴行治罪而慶成係總統大員亦必當按

律嚴懲決不再爲竄貨凜之慎之又據奏防守營卡多係新募補額之兵現今按日操演一律訓練等語此不過預爲站脚地步防守兵丁原資堵剿之用若賊匪未至惟藉稱操演徒糜糧餉迫賊匪竄至又以新兵未經訓練爲詞任賊衝越何時始能竣事又安用此防兵爲耶惟所奏不拘江之南北何股匪黨竄近應成卽行督兵擊剿一節所見

尙是各股竄匪必須以剿爲堵本不應株守一處
坐失機宜現據陸有仁奏龍苟等逆西竄紫陽之
紅椿壩鞍子溝一帶漸近江岸是此時江防尤爲
緊要慶成務須自知愧懼督率防守各員實力堵
禦毋任賊匪再行偷渡他竄致干重戾

二十七日甲辰德楞泰奏言竊臣於十三日在山

陽縣屬乾溝地方將高二一股賊匪痛加剿殺

餘匪七八百人連夜向西逃走恐該匪等亡命
遠竄卽令賽冲阿溫春色爾滾富僧德蘇爾伸
明德穆騰額富登阿西凌阿李應貴李東山馬
元等帶領馬步兵勇卽於是夜緊臨跟追臣督
率兵勇將附近各山內匿匪搜捕淨盡並將各
獲犯審明分別辦理亦卽趕緊前進連日雨雪
不止該匪等因我兵追趕甚緊自知死亡在卽

晝夜拚命奔馳日行百數十里且並不向大路行走悉于陡山偏坡及並無路徑之處奔竄我兵若不竭力追趕勢難及時掃除是以令官兵等將鍋帳等項悉留在後輕騎滅從逐日緊追途次接據賽冲阿等來信沿途追趕時有斬獲該匪現向鎮安縣屬之二峪河小米溪一帶狂奔又於採玉窰地方追及極力剿殺斃賊四十

七名生擒何良友等三十五名餘匪六七百名

盡皆扒山越嶺向石嘴子一路連夜奔逃業已

跟追前進

臣

查二峪河等處北走秦嶺西通藍

田倘或被其竄入所謂匪細當卽札知賽冲阿

等由大沙窩曹家坪一路前進

臣

以該匪行走

迅速必須另覓捷徑抄往方可繞出賊前

臣

帶

領阿穆勒塔馬瑜達勒精阿慶昌克星額遜多

保蘇卿阿努赫稜蒲尙佐達白祥德英額馬應
國劉彪何占鰲等挑派精壯馬步兵勇八百餘
名乘夜冒雪於十八日由北面抄至野猪坪該
匪等一見北面又有官兵驚慌失措意欲折回
另尋路徑遁走適賽冲阿溫春色爾滾等亦卽
趕到我兵人人憤恨兩面夾擊箭射矛戳立斃
賊一百餘名內有一騎馬賊目持矛喊叫時有

黑龍江藍翎驍騎校索里章吉林甲兵色克津
保等衝入賊隊將該逆亂箭射死割取首級搶
獲騎馬餘匪丟棄刀矛紛紛潰散向蔣家溝老
林內四處亂竄我兵緊趕又擒獲王儒等八十
六名查蔣家溝老林綿長四十餘里前途出山
卽係鎮安屬之雲蓋寺當派副將蒲尙佐叅將
唐玉龍等帶領步兵跟蹤緊追臣帶領馬步兵

勇直趨雲蓋寺詎賊匪狡猾異常探聞雲蓋寺
已有官兵隨由無路處所竄出碾盤石翻漆扒
溝老林遁逃查漆扒溝老林西通寧陝北走孝
義該逆現剩不過三四百人窮蹙已極勢不敢
北走孝義必由寧陝廳西竄找尋另股賊匪入
夥爲苟延殘喘之計臣隨派原任鶴麗鎮總兵
德英額守備熊敏謙等帶領步隊兵勇跟蹤追

剿臣督同賽冲阿溫春阿穆勒塔色爾滾馬瑜

等帶領馬步兵勇敢道東川迎頭兜截隨將各

獲犯研詰訊出僞先鋒王儒探馬頭劉國良汪

忠旗手譚雨化王貴五名據供伊等在湖北聞

官兵都在洋縣漢陰一帶商量假充官兵在洵

陽大棕溪騙船過江原要直到河南走到山陽

乾溝地方原想過節再走不料官兵趕來將元

帥閻慎珍殺死老教師龔如一拏獲只剩數百
人逃出官兵趕到野猪坪又將高二掌櫃亂箭
射死元帥閻慎高畏懼割去辮子充做難民不
知下落我們過江時原約徐添德一同過來因
不知江北官兵多少派四十人跟過江來探聽
信息此四十人亦都被官兵擒殺等供隨將割
獲各首級令王儒譚雨化劉國良等隔別指認

內有高一首級一顆王儒一見痛哭並將該犯
騎馬牽令識認屬實又令各獲犯等識認僉供
無異高二馬五等在賊股中最爲兇悍屢次戕
害大員抗拒官兵荼毒生靈實爲罪大惡極茲
幸仰仗

天威得以伏誅

臣

敬遵

諭旨將被害之王文雄札勒杭阿施縉等繕寫牌位

將高二首級并同惡相濟之王儒等五名一併
脣割致祭以彰

國憲而慰忠魂所獲各犯多係襄陽河南老賊並
無畏脅難民是以一概正法頃接經畧額勒登
保來信以馬五等股賊匪屢經剿殺勢已窮蹙
現在遁入洋縣五郎一帶老林內藏匿業已分
兵進剿諒不日即可掃除倘該逆被剿情急由

寧河竄入川境卽帶兵跟蹤前進等情又據
四川文武稟報辛聰一股賊匪已竄入開縣陳
朝觀樊人傑冉添士徐萬富王國賢等股賊匪
先後竄入太平等語又接勒保來信楚境竄來
兩股賊匪現在大寧紅池壩地方遊奕是刻下
川東賊勢重於川北七十五現在川北只有張
世龍一股賊匪爲數無多或已辦完或亦向太

平竄去

臣

現已飛行七十五不必拘泥嘉陵江

岸卽速帶兵徑赴太平一帶協同勒保剿辦又

據總兵喜明藩司溫承惠等稟報龍紹周苟文

明唐明萬戴家營張家營並唐大信餘黨約有

萬餘人屢經截剿尙未遠竄非窺伺江岸卽圖

入楚等語

臣

惟有將此股敗殘餘匪迅速掃除

固爲甚善倘被剿之後零星散逃不值以大兵

駐守搜捕曠延時日

臣

卽咨明長麟陸有仁飭

知各州縣撥派兵勇認真搜捕以絕根株額勒

登保如現在洋縣一帶

臣

卽帶兵赴彼併力將

馬五等逆剪除肅清北岸卽可會商渡江分投

剿辦南岸賊股如馬五等業已西竄

臣

卽由興

安府渡江徑赴平利紫陽一帶將龍逆等六股

賊匪由東北向西南追剿入川第軍務情形朝

久不同

臣

惟有臨時酌量緩急趕緊剿辦斷不

敢稍事因循至此次打仗陣亡並帶傷兵勇畧

俟另行咨部辦理

德楞泰又奏言竊

臣

蒙

恩畀以叅贊重任凡有將弁兵勇實在認真出力殺

賊者每遇

恩慈獎勵無不據實保列詎有四川太平營都司馬

光宇者從前打仗勇往經臣奏請

賞戴花翎陞補都司該員近來心存滿足當差怠懈

管兵亦多不服屢加訓飭仍復不改始終難望

振作臣不敢以保列在前稍事姑容又四川西

陽營守備龍必達當差亦屬平常不能約束兵

丁相應據實恭奏請

旨將都司馬光宇守備龍必達均行摘去翎頂革職

留於軍營作爲兵丁當差俾闔營將備咸知警
惕均奏入

上命軍機大臣傳諭德楞泰曰賊首高二最爲窮兇
極惡著名首逆前經德楞泰等在山陽剿敗後亡
命奔竄此次德楞泰探明賊蹤分兵兩路取道山
內小徑乘夜冒雪緊躡追剿並不稍予以暇沿途
殲賊多名將高二殲斃割致祭從前被害提鎮

大員並生擒僞先鋒王儒探馬頭劉國良汪忠旗
手譚雨化王貴等五名其功甚大嘉慰之懷難以
言喻特解親佩火鐮包一個手授軍機大臣頒賜
德楞泰如朕親授又賞德楞泰喜字玉搬指金盒
大小荷包並著交部從優議敘德楞泰之子乾清
門侍衛蘇沖阿著陞授頭等侍衛仍行存記俟軍
功告竣再將德楞泰晉爵酬庸以昭殊眷用獎勤

勞又發去小刀十把火鑱包瑱瑯翎管象牙搬指
各十個交德楞泰分賞出力各員并所有此次帶
兵分路殺賊之賽沖阿達勒精阿色爾滾慶昌克
星額遜多保蘇卿阿努赫稜蒲尙佐達自祥馬應
國劉彪何占鰲唐玉龍熊敏謙等俱著交部議敘
其箭斃首逆高二割取首級之黑龍江藍翎驍騎
校索里章吉林甲兵色克津保尤爲出力索里章

著加恩超陞二等授爲佐領色克津保著加恩超
陞防禦俱著賞戴花翎色克津保係屬甲兵雖非
獨力殺賊仍著照前旨減半賞銀一千兩俾軍營
將弁兵丁同深鼓勵其餘出力員弁摺內未經列
名者仍著查明一併咨部議敘至德楞泰所奏高
二一股剿敗餘匪尙零星散逃不值以大兵駐守
搜捕卽咨明長麟陸有仁飭知各州縣派撥兵勇

搜捕德楞泰現趕赴額勒登保一路併力剿除馬
五等逆一節此尙未妥此股敗殘餘匪雖爲數無
多但長麟帶兵打仗本不足恃陸有仁係屬文員
有應辦糧餉等事於剿賊非其所長尤不可靠德
楞泰擬令長麟等轉飭各州縣派撥兵勇搜捕殊
不思陝省地方官素不若川省州縣之堵禦認真
將令搜捕餘匪豈能出力倘不乘勢殲除淨盡或

致餘孽散逃沿途暴脅復成一股賊匪搜捕又需
費手德楞泰自應卽在該處將零星餘匪乘勝剿
除或交額勒登保派委鎮將上緊搜捕勿留餘孽
若額勒登保現在剿辦高馬等逆未能入川德楞
泰卽應帶領勝兵直赴川省察看川東川北何處
緊要相機奮擊並順道擊剿龍苟一股賊匪若額
勒登保業將高馬等逆追躡入川德楞泰一俟江

北肅清後卽赴漢南專剿龍苟等股賊匪暫緩入
川總之伊與額勒登保二人當分駐川陝地方同
心剿賊方可迅速蕲功不可一同入川以致兩地
不能兼顧也又據叅奏當差懈怠之都司馬光宇
守備龍必達摘去翎頂革職留營作爲兵丁一節
甚屬公正馬光宇龍必達俱著摘去翎頂革職留
於軍營作爲兵丁當差以示懲儆

二十八日^乙勒保奏言竊^臣前將七十五一路

官兵殲斃首逆張世龍並樊徐等逆未能由廣

元搶渡嘉陵江及^臣馳往剿辦緣由具奏後卽

督兵兼程行走途次連接廣元蒼溪閬中一路

文武稟報藍號王士虎冉添士等亦由寧羌接

踵入川至旺蒼壩與樊徐等逆合夥該匪等在

神宣驛百丈關等處搶去自省解送德楞泰七

十五軍營軍裝兩起又在百丈關焚搶軍米二百餘石並在盱蒼壩搶得煤炭船隻插有紅旗賊穿號褂充作官軍由東河直趨大江欲圖搶渡勢甚猖獗

臣

聞信萬分焦急當派阿哈保薛

大烈挑帶奮勇馬步官兵星夜由儀隴捷徑趕

赴保寧

臣

卽帶同永寧由營落二路前進兼顧

江岸十五日行抵營山接據保寧文武稟報該

匪等自蒼溪下竄直撲東河口欲渡大江西岸
叅將王威寧知縣李天培帶領兵勇沿江堵禦
詎該匪等於十四日晚間率衆至河溪關對岸
蜂擁直前隔岸兵勇幾有衆寡不敵之勢幸

臣

於數日前飛調總兵許文謨從下游帶兵趕到
河溪關督率兵勇鎗礮轟擊相持一夜傷斃賊
匪多名餘卽退遁紅山場向儀隴大路潛逸

臣

料其陽爲東竄陰必南來仍欲順江搶渡查南部之新鎮壩向爲賊匪出沒之所係緊要渡口必須先爲遏住東路方能保護下游隨一面親督官兵馳往迎截一面飛催阿哈保薛大烈卽由紅山場一路進兵十七日臣趕至新鎮壩紮營探得賊匪果有下竄之勢三更後據報有賊數百人徑來窺伺江岸並見十餘里外火光燭

天當派永寧卽帶兵勇前往截擊詎該匪探知
有兵卽行折竄經永寧追殺二十餘里殲斃三
四十名生擒張作階等二十三名訊知賊匪大
夥均在碑灣寺紮住候信如前隊能從此處搶
渡過江大眾卽陸續踵至臣隨督同永寧疾馳
追躡十八日辰刻行至碑灣寺相距二十餘里
卽聞該處鎗礮不絕知阿哈保薛大烈已經與

賊接仗臣催兵競進甫至碑灣寺但見我兵喊

聲震天大爲得手賊匪紛紛散竄亡命潰奔臣

卽傳令各將領必須乘此勝勢盡力窮追滅此

朝食官兵無不踴躍爭先於南部聞中蓬州三

處交界地方躡蹤掩捕追趕至六七十里八九

十里不等共計殲殺跌斃賊匪一千五六百名

生擒僞先鋒陳上達一名探馬頭洪正清王大

寅揚兒冉崇中等四名旗手王士榮馬倅林二
名男婦七百四十九名口訊知首逆徐萬富在
木蘭寺地方中鎗落馬當被官兵亂刀砍斃偽
總兵鮮奇林亦經殺死隨令各犯指認首級並
認出樊人傑之婦屍軀僉供屬實旋據各營繳
到大小賊旗五十五桿鎗刀長矛六百二十八
件騾馬牛隻四百五十一頭匹搶回軍裝帽四

百頂並詢悉阿哈保薛大烈一路所帶官兵於
十七日至紅山場探知賊在碑灣寺屯踞卽於
三更發兵行近碑灣寺天甫黎明賊已知覺聚
集七八百人於桐林堽據險拒路我兵奮勇搶
殺立斃三十餘人俱退遁碑灣寺大梁該處衆
有三四千人一見官兵卽搖旗吶喊悉力抵禦
我兵三路競進奮力仰攻相持有一時之久賊

匪放鎗擲石黑龍江甲兵阿穆爾遜中鎗傷亡
盛京藍翎額外驍騎校色布星額身受矛傷並有
受傷兵勇六名我兵人人忿恨不避鎗石鼓勇
直前始得搶上山梁賊衆大潰當經各將備分
帶滿漢官兵鄉勇追殺直至八九十里之遙多
有斬獲洵屬出力可嘉臣當提現獲各犯逐加
訊問據供此夥係黃號樊人傑徐萬富王國賢

共有二千餘人藍號冉添士王士虎亦有二千
人惟白號張三掌櫃只有五六百人此次到陝
被官兵在四畝地江口等處連次追殺不能竄
出棧道就商量要回四川過嘉陵江到川西去
易於擄掠黃號先走藍號後走到旺蒼壩合爲
一路探知川北並無大兵先到廣元搶船被隔
河堵住不能過去後在旺蒼壩小河內搶有煤

炭船八隻黃號人衆卽將搶得軍裝衣帽扮作官兵乘坐放出東河口要到保寧府西岸多搶船隻大隊可全行渡過不想又被識破隔河打退元帥等相商扳營向儀龍大路行走使江岸兵勇不再隄防就從南部新鎮壩過河不想探馬到新鎮壩又探有官兵回來報知元帥等商量向土門鋪去忽見官兵大隊到來白號先走

樊人傑徐萬富王士虎等率衆在山上抵敵原
說大兵都在新鎮壩再想不到此一路又有官
兵到來元帥等說各自逃命四散奔開聽見樊
人傑說若此番不能過江且到巴州老山林裏
藏躲再作計較等語臣於訊明後當將陳上達
等七犯凌遲處死從賊日久曾經放火殺人之
張作階等三百七十八名卽行正法其實在被

省難民男婦大小三百七十一名口卽交地方

官酌給銀米分別遞籍安插臣伏思此次黃藍

白三股賊衆由陝省竄來蓄意搶渡嘉陵江幸

賴總兵張志林許文謨先經臣檄飭至廣元保

寧一帶督同地方文武兵勇實力堵退迨賊匪

商量至新鎮壩過江仰仗

皇上洪福卽值臣兵趕到與阿哈保等兩面夾擊得

以大獲勝仗殲擒二千餘名並將黃號首逆徐
萬富藍號僞總兵鮮奇林臨陣殲斃江岸得保
無虞俾川西地方不致又遭荼毒洵足上紓

宸廑現在剿散餘匪均向土門舖賽金場等處奔逃

臣

一面審辦活賊並派兵搜捕後路一面卽於

十九日先令阿哈保薛大烈帶領原隊兵勇跟
蹤追躡務須乘夜長驅不予以暇冀將此股匪

衆殲焚淨盡早慰

聖懷至陳朝觀辛聰等股現據探報由太平竄入八
台山又進老林七十五已于初十日抵竹峪關
卽由太平進剿託雲泰在老林探剿劉朝選等
賊股尙無信息川東腹地近日俱寧謐無事奏
人

上命軍機大臣傳諭勅保曰昨日德楞泰奏報殲斃

首逆高二生擒僞先鋒王儒等五名今又得此捷
音叩感

天恩莫能言喻朕前因樊徐等逆由陝竄往川境廣元
等處恐乘間搶渡嘉陵江正深廛念茲勒保於數
日前已飛調總兵許文謨從下游趕往擊退搶渡
賊匪又預料該逆陽爲東竄陰必南來親督官兵
馳往迎截並飛咨阿哈保薛大烈由紅山場一路

進兵兩面夾擊共計殲擒賊匪二千餘名皆由勒保調度得宜不但保護嘉陵江俾川西地方不致再遭蹂躪且將著名首逆徐萬富殲斃其功甚大勒保著賞給二品頂戴賞戴花翎仍交部從優議敘並賞給四喜玉搬指鑲寶石火鐮包大小荷包阿哈保薛大烈探知賊匪在碑灣寺屯聚連夜進兵奮勇殺賊均屬可嘉阿哈保著加恩挑爲御前

侍衛薛大烈著加恩挑爲乾清門侍衛一併交部
從優議敘并賞阿哈保四喜玉搬指鑲碧霞玳帶
頭大小荷包賞薛大烈四喜玉搬指鑲玉帶板大
小荷包以示獎勵至賊匪自蒼溪下竄直撲東河
口欲渡大江西岸時叅將王威寧知縣李天培帶
領兵勇沿江堵禦賊匪蜂擁直前隔岸兵勇幾有
衆寡不敵之勢幸許文謨帶兵趕到用鎗礮轟擊

相持一夜賊始退遁亦屬可嘉許文謨著加恩賞
給提督銜此次搶渡賊匪雖係許文謨趕到擊退
而王威寧李天培在沿江防守尙能悉力堵禦若
該員等縱令賊匪過江則當按律治罪今能保護
無虞自當加以獎擢叅將王威寧著以副將陞用
知縣李天培著以知州陞用并著先換頂戴遇缺
卽補總兵永寧隨勒保趕到碑灣寺地方一同剿

賊亦尙出力永寧著交部議敘再發去鼻烟壺十
個搬指十個小刀十把著勒保傳旨分賞軍營出
力員弁又發去一兩重銀牌二百五十面五錢重
銀牌二百五十面賞給出力兵丁俾知感奮至摺
內旣稱此次黃藍白三號賊匪由陝省竄來蓄意
搶渡嘉陵江幸賴總兵張志林許文謨先經勒保
檄飭至廣元保寧一帶堵截何以所敘打仗殺賊

各員並無張志林之名或勒保本未檄調一同剿賊或打仗時該總兵尙未趕到或另在他處防守著勒保查明具奏再降諭旨有功者必應重賞但不可冒濫也此時樊人傑王士虎等股賊匪經官兵痛加殲戮並知首逆徐萬富已經殲斃自必亡魂喪膽現向土門舖賽金場等處奔逃勢已十分窮蹙勒保務須督飭阿哈保薛大烈跟蹤追躡將

此股匪衆殲除淨盡當計日以待捷音之踵至再
陳朝觀辛聰等股賊匪現由太平竄入老林七十
五由太平進剿此股賊匪經痛加剿殺後所剩無
幾勒保務當催令七十五趕緊剿盡勿留餘孽至
託雲泰所剿劉朝選等賊何以尙無信息并著勒
保一併嚴催上緊剿辦不得再有稽延以期川東
川北地方一律肅清大功速成共膺懋賞所有此

次中鎮陣亡之黑龍江甲兵阿穆爾遜著咨部照

領催例議卹